

摛藻堂四庫全書薈要

集部

欽定四庫全書  
唐詩卷一萬八千一百六十八

集部

御定全唐詩卷七百六十三

楊夔

楊夔唐末為田頴客集五卷今存詩十二首

寧州道中

城枕蕭關路胡兵日夕臨唯憑一炬火以慰萬人心春老雪猶重沙寒草不深如何驅匹馬向此獨閒吟

尋九華王山人

下馬叩荆扉相尋春半時  
捫蘿盤磴險疊石渡溪危松  
夾莓苔徑花藏薜荔離臥雲  
情自逸名姓厭人知

金陵逢張喬

殊鄉會面時辛苦雨情知  
有志年空過無媒命共奇吟  
餘春漏急語舊酒巡遲天爵如堪倚  
休驚鬢上絲

送鄒尊師歸洞庭

衆島在波心曾居一作為舊隱林近聞飛檄急轉憶臥雲  
深賣藥唯供酒歸舟只載琴遙知明月夜坐石自開襟

送日東僧遊天台

一瓶離日外  
行指赤城中  
去自重雲下來  
從積水東攀蘿  
躋石徑挂錫憩  
松風迴首雞林道  
唯應夢想通

題甘露寺

高殿拂雲寬  
登臨想虎溪  
風勻帆影衆  
烟亂鳥行迷  
北倚波濤澗  
南窺井邑低  
滿城塵漠漠  
隔岸草萋萋  
虛閣延秋磬  
澄江響暮鼙  
客心還惜去  
新月挂樓西

送張相公出征

得意在當年登壇秉國權漢推周勃重晉讓趙宣賢儒  
德尼丘降兵鉢太白傳揮毫飛鳳藻發匣吼龍泉歷火  
金難耗零霜桂益堅從來稱玉潔此更讓朱妍鴛鷺臻  
門下貔貅擁帳前去知清朔漠行不費陶甄獻畫符中  
旨推誠契上玄願將班固筆書頌勒燕然

題鄭山人郊居

谷口今逢避世才入門瀟灑絕塵埃漁舟下釣乘風去  
藥醞留賓待月開數片石從青嶂得一條泉自白雲來

竹軒相對無言語

盡日一作肆日

南山不欲迴

題宣州延慶寺益公院

咸通中入講極承恩澤

嘿坐能除萬種情  
臘高兼有賜衣榮  
講經舊說傾朝聽  
登殿曾聞降輦迎  
幽逕北連千嶂碧  
虛窗東望一川平  
長年門外無塵客  
時見元戎駐旆旌

寄當陽袁皓明府

高人為縣在南京  
竹遶琴堂水繞城  
地古既資攜酒興  
務閒偏長看山情  
松軒待月僧同坐  
藥圃尋花鶴伴行

百里甚堪留惠愛莫教空說魯恭名

送杜郎中入茶山修貢

一道澄瀾徹底清仙郎輕棹出重城採蘋虛得當時稱  
述職那同此日榮劍戟步經一作搖高障黑綺羅光動百

花明謝公攜妓東山去何似乘春奉詔行

送鄭谷

春江漱漱清且急春雨濛濛密復疎一曲狂歌兩行淚

送君兼寄故鄉書

杜建徽

杜建徽字延光新登人隨錢鏐征伐屢立戰功官至丞相中書令封鄆國公詩一首

自敘

建徽累征伐皆單衣入陣敵無不披靡年老尚能騎射嘗從擊球于廣場興酣有宿

中箭鏃自臂中飛出人皆壯之為詩自敘

中劍斫耳缺被箭射胛過為將須有膽有膽即無賈

沈韜文

沈韜文湖州人事錢鏐為元帥府典謁累官左衛上將

軍改湖州刺史詩一首

游西湖首句缺

菰米蘋花似故鄉  
不是不歸歸未得

好風明月一思量

王繼勲

王繼勲審知諸孫連重遇之亂泉州軍將留從效擁立  
為刺史後執送南唐詩一首

贈和龍妙空禪師

白面山南靈慶院茅

一作卯

齋道者雪峰禪只棲雲樹雨

三畝不下煙蘿四五年猿鳥認聲呼喚易龍神降伏住持堅誰知今日秋江畔獨步醫王闡法筵

劉乙

劉乙字子真泉州人仕閩為鳳閣舍人棄官隱安溪鳳  
髻山集一卷今存詩一首

題建造寺

曾看畫圖勞健羨如今親見畫猶麤減除天半石初泐

欠却幾株松未枯題像閣人漁浦叟集生臺鳥謝城烏  
我來一聽支公論自是吾身幻得吾

句

掃石雲隨帚耕山鳥傍人

閩志

夏鴻

夏鴻閩王氏客也詩一首

和贈和龍妙空禪師

翰林遺跡鏡潭前孤峭高僧此處禪出為信門興化日

坐當吾國太平年身同瑩澈尼珠淨語並鋒鎧慧劍堅  
道果已圓名已遂即看千匝遶香筵

劉山甫

劉山甫彭城人為王審知判官詩一首

題青草湖神祠

并序

山甫父官嶺外侍從北歸泊青草湖見天王祠廟  
宇傾頽香火不續題詩云云是夜夢為天王所責  
云我南嶽神主張此地何為見侮俄而驚覺風浪

暴起殆欲沈溺遽起令撤詩板然後方定

壞牆風雨幾經春草色盈庭一座塵自是神明無感應  
盛衰何得却由人

張昭

張昭南漢時人詩一首

漢宗廟樂舞辭

高廟明靈再啟圖金根玉輅幸神都巢阿丹鳳銜書命  
入昴飛星獻寶符正撫薰絃娛赤子忽登仙駕泣蒼梧

薦櫻鶴館笳簫咽酌鬯金楹劍珮趨星俎雲罍兼魯禮  
朱干象箭雜巴渝氤氳龍麝射交青瑣髮鬢錫鑾下藥珠  
薦豆奉觴親玉几配天合祖耀璿樞受釐飲酒皇歡洽  
仰俟餘靈泰九區

顏仁郁

顏仁郁字文傑泉州人仕王審知為歸德場長詩二首

農家

夜半呼兒趁曉耕羸牛無力漸艱行時人不識農家苦

將謂田中穀自生

山居

柏樹松陰覆竹齋  
罷燒藥龜縱高懷世間應少山間景  
雲遶青松水遶階

王延彬

王延彬閩王審知弟審邽之子官節度使時中原人士  
楊承休鄭璘韓偓歸傳懿楊贊圖鄭戩等皆避亂入閩  
依審邽審邽振賦以財遺延彬作招賢館禮焉詩二首

春日寓感

兩衙前後訟堂清軟錦披袍擁鼻行雨後綠苔侵履跡

春深紅杏鎖一作啓

鶯聲因攜久醞松醪酒自煮新抽竹

一作  
綠 筍羨也解為詩也為政儂家何似謝宣城

哭徐夤

延壽溪頭歎逝波古今人事半銷磨昔除正字今何在

所謂人生能幾何

延壽溪夤所居也

金文曰月卷之三

卷七百六十三

御定全唐詩卷七百六十三

謹案卷七百六十一第九頁前五行種柳百餘株


刊本株訛林據別本改

第十二頁後四行去年今日到成都刊本成訛城

據別本改

卷七百六十二第六頁後五行山色曉堆螺黛雨

刊本螺訛羅據別本別





總校官庶吉士臣張能照  
校對官庶吉士臣翟槐  
謄錄監生臣李惠滋

欽定四庫全書叢要

集部

御定全唐詩卷七百六十六

四至  
六

詳校官原任主事臣李斯咏

欽定四庫全書  
欽定四庫全書要卷一萬八千一百六十九

集部

御定全唐詩卷七百六十四

譚用之

之字藏用五代末人善為詩而官不達詩一卷

塞上

秋風漢北雁飛天單騎那堪達賀蘭磧暗更無巖樹影  
地平時有野燒瘢痏披寒色和衣冷劍佩胡霜隔匣寒  
早晚橫戈似飛尉擁旄深入異田單

鉢略城邊日欲西遊人却憶舊山歸牛羊集水煙黏步  
鶻鷂盤空雪滿圍獵騎靜逢邊氣薄戍樓寒對暮煙微  
橫行總是男兒事早晚歸來似漢飛

贈索處士

不將桂子種諸天長得尋君水石邊玄豹夜寒和霧隱  
驪龍春暖抱珠眠山中宰相陶弘景洞裏真人葛稚川  
一度相思一惆悵水寒煙澹落花前

別離下一二知己

金鼎光輝照雪袍。雒陽春夢憶波濤。  
塵埃滿眼人情異。風雨前程馬足勞。  
接塞峨眉通蜀險。過山仙掌倚秦高。  
別來無限幽求子。應笑區區味六韜。

約張處士遊梁

莫學區區老一經。夷門關吏舊書生。  
晉朝滅後無中散。韓國亡來絕上卿。  
龍變洞中千谷冷。劍橫天外八風清。  
好攜長策干時去。免逐漁樵度太平。

送友人歸青社

鶻鷀途程在碧天綵衣東去復何言三千賓客舊知己  
十二山河新故園吟看桂生溪月上醉聽鯢化海濤翻  
好期聖代重相見莫學袁生老竹軒

送丁道士歸南中

孤雲無定鶴辭巢自負焦桐不說勞服藥幾年期碧落  
驗符何處咒丹毫子陵山曉紅雲密一作落青草湖平雪  
浪高從此人稀見蹤跡還應選地種仙桃

月夜懷寄友人

劍氣徒勞望斗牛故人別後阻仙舟殘春謾道深傾酒  
好月那堪獨上樓何處是非隨馬足由來得喪白人頭  
清風未許重攜手幾度高吟寄水流

閒居寄陳山人

閒居何處得閒名坐掩衡茅損性靈破夢曉鐘聞竹寺  
沁心秋雨浸莎庭甕邊難負千杯鍾一作綠海上終眠萬  
仞青珍重先生全太古應看名利似浮萍

憶南中

碧江頭與白雲門別後秋霜點鬢根長記學禪青石寺  
最思共醉落花村林間竹有湘妃淚窗外禽多杜宇魂  
未棹扁舟重回首采薇收橘不堪論

寄友人

病多慵引架書看官職無才思一作興已闌穴鳳瑞時來  
却易人龍別後見何難琴樽風月閒生計金玉松筠舊  
歲寒早晚煙村碧江畔挂曾重對蓼花灘

別江上一二友生

國風千載務重華須逐浮雲背若耶無地可歸堪種玉  
有天教上且乘槎白綸巾卸蘇門月紅錦衣裁御苑花  
他日成都却回首東山看取謝鯢家

寄岐山林逢吉明府

岐山高與隴山連製錦無私服晏眠鸚鵡語中分百里  
鳳凰聲裏過三年秦無舊俗雲煙媚周有遺風父老賢  
莫役生靈種楊柳一枝枝折灞橋邊

感懷呈所知

十年流落賦歸鴻誰傍昏衢駕燭龍竹屋亂煙思梓澤  
酒家疎雨夢臨卽千年別恨調琴懶一片年光覽鏡慵  
早晚休歌白石爛放教歸去臥羣峰

江上聞笛

誰為梅花怨未平一聲高喚百龍驚風當閭闔庭初靜  
月在姑蘇秋正明曲盡綠楊涵野渡管吹青玉動江城  
臨流不欲殷勤聽芳草王孫舊有情

寄孟進士

依舊池邊草色芳故人何處憶山陽書回科斗江帆暮  
曲罷騶虞海樹蒼吟望曉煙思桂渚醉依殘月夢餘杭  
別來南國知誰在空對旛旛一斷腸

寄閻記室

織錦歌成下翠微豈勞西去問機未開水府珠先見  
不掘豐城劍自輝鼇逐玉蟾攀桂上馬隨青帝踏花歸  
相逢半是雲霄客應笑歌牛一布衣

幽居寄李祕書

幾年帝里阻煙波，敢向明時叩角歌。  
看盡好花春卧穩，醉殘紅日夜吟多。  
印開夕照垂楊柳，畫破寒潭老芰荷。  
昨夜前溪有龍鬪，石橋風雨少人過。

貽釣魚李處士

罷吟鸚鵡草，芊芊又泛鴛鴦水。  
上天一棹冷涵楊柳雨，片帆香桂芰荷煙。  
綠搖江澹萍離岸，紅點雲疎橘滿川。  
何處邈將歸，畫府數莖紅蓼一漁船。

河橋樓賦得羣公夜讌

芙蓉簾幕扇秋秋紅蠻府新郎夜讌同滿座馬騮吹笛月  
一樓張翰過江風杯黏紫酒金螺重談轉珊瑚玉塵空  
深荷良宵慰願頴德星池館在江東

寄左先輩

狂歌白鹿上青天何似蘭塘釣紫煙萬卷祖龍坑外物  
一泓孫楚耳中泉翩翩蠻榼薰晴浦轂轆魚車響夜船  
學取青蓮李居士一生杯酒在神仙

貽費道人

誰如南浦傲煙霞白葛衣輕稱帽紗碧玉蜉蝣迎客酒  
黃金轂輶釣魚車吟歌雲鳥歸樵谷臥愛神仙入畫家  
他日鳳書何處覓武陵煙樹半桃花

寄許下前管記王侍御

昔年南去得娛賓頓遜杯前共好春蟾泛羽觴蠻酒膾  
鳳銜瑤句蜀牋新花憐遊騎紅隨轡草戀征車碧遶輪  
別後青青鄭南陌不知風月屬何人

秋日圃田送人隨計

僕射陂前是傳郵  
去程鵬鷁弄高秋  
吟拋芍藥裁詩圃  
醉下茱萸飲酒樓  
向日迴飛駒皎皎  
臨風誰和鹿呦呦  
明年二月仙山下  
莫遣桃花逐水流

途次宿友人別墅

千里崎函一夢勞  
豈知雲館共蕭騷  
半簾綠透侵寒竹  
一榻紅侵墜晚桃  
蠻酒客稀知味長  
蜀琴風定覽弦高  
感君巖下間招隱  
細縷金盤膾錯刀

春日期巢湖舊事

暖掠紅香燕燕飛五雲仙珮曉相攜花開鸚鵡韋郎曲  
竹亞虬龍白帝溪富貴萬塲歸紫酒是非千載逐芳泥  
不知多少開元寺露泣春叢向日低

再遊韋曲山寺

鶴巖煙斷玉巢散罨畫春塘太白低馬踏翠開垂柳寺  
人畔紅破落花溪千年勝槩咸原上幾代荒涼繡嶺西  
碧吐紅芳舊行處豈堪回首草萋萋

寄徐拾遺

長竿一繫白龍吟誰和騶虞發素琴野客碧雲魂易斷  
故人芳草夢難一作同尋天從補後星辰穩海自潮來島嶼深好向明廷拾遺事莫教玄豹老林泉

秋宿湘江遇雨

江上陰雲鎖夢魂江邊深夜舞劉琨秋風萬里芙蓉國暮雨千家薜荔村鄉思不堪悲橘柚旅遊誰肯重王孫漁人相見不相問長笛一聲歸島門

貽南康陳處士陶

白玉堆邊蔣逕橫空涵二十四灘聲老無征戰軒轅國  
貧有茅茨帝舜城丹鳳晝飛羣木冷一龍秋臥九江清  
時人莫笑非經濟還待中原致太平

渭城春晚

秦樹朦朧春色微香風煙暖樹依依邊城夜靜月初上  
芳草路長人未歸折柳且堪吟晚檻弄花何處醉殘暉  
釣鄉千里斷消息滿目碧雲空自飛

山中春晚寄賈員外

不隨黃鸝起煙波應笑無成返薜蘿看盡好花春臥穩  
醉殘紅日夜吟多高添雅興松千尺暗養清音竹數秆  
珍重仙曹舊知己往來星騎一相遇

貽淨一作安居寺新及第

秋池雲下白蓮香池上吟仙寄竹房間頌國風文字古  
靜消心火夢魂涼三春蓬島花無限八月銀河路更長  
此境空門不曾有從頭好語與醫王

江邊秋夕

千鍾紫酒薦一作煮

菖蒲松鳥蘭舟漱灑居曲內橘香江

客笛字中嵐氣岳僧書吟期汗漫驅金虎坐約丹青跨

玉魚七色花虬一聲鶴樂時乘興上清虛

送僧中孚南歸

琵琶峽口月溪邊玉乳頭陀憶舊川一錫冷涵蘭徑路  
片帆香桂橘洲煙苔封石錦棲霞室水迸衣珠噴玉蟬  
莫道翩翩去如夢本來吟鳥在林泉

江館秋夕

耿耿銀河雁半橫夢敲金井轆轤輕滿窗謝練江風白  
一枕齊紈海月明楊柳敗梢飛葉響芰荷香柄折秋鳴  
誰人更唱陽關曲牢落煙霞夢不成

秋夜同友人話舊

露下銀河雁度頻囊中爐火幾時真數莖白髮生浮世  
一盞寒燈共故人雲外草涼吟吟嶠月島邊花暖釣江春  
何當歸去重攜手依舊紅霞作近鄰

古劍

鑄時天匠待英豪紫焰寒星匣倍牢三尺何年拂塵土  
四溟今日絕波濤雄應垓下收蛇陣滯想溪頭伴豹韜  
惜是真龍懶拋擲夜來衝斗氣何高

寄王侍御

鳥盡弓藏良可哀誰知歸釣子陵臺鍊多不信黃金耗  
吟苦須驚白髮催喘月吳牛知夜至嘶風胡馬識秋來  
燕歌別後休惆悵黍已成畦菊已開

別何處士陵俊老

三皇上人春夢醒東侯老大麒麟生洞連龍穴全山冷  
窗透鼈波盡室清計拙恥居巖麓老氣狂慙與斗牛平  
誰人為向青編上直傍巢由寫一名

句

流水物情諳世態落花春夢厭塵勞

貽僧

織檻錦紋苔

乍結墮書花印菊初殘

宿西溪隱士

光陰老去無成事富

貴不來爭奈何

途中

眠雲無限好知已應笑不歸花滿

樽

入關以上並吟窗雜錄

御定全唐詩卷七百六十四

欽定四庫全書叢要卷一萬八千一百七十

集部

御定全唐詩卷七百六十五

王周

王周登進士第曾官巴蜀詩一卷

胡震亨云唐宋藝文志並無其人惟文獻

通考載入唐人集目中今考峽船詩序引陸魯望茶具詩其人蓋在魯望之後而詩題紀年有戊寅己卯兩歲近則梁之禎明遠則宋之太平興國也自註地名又有漢陽軍興國軍為宋郡號殆五代人而入宋者

泊姑熟口

杳杳金陵路難禁欲斷魂雨晴山有態風晚水無痕遠

色千檣岸愁聲一笛村如何遣懷抱詩畢自開尊

湖口縣

柴桑分邑載圖經屈曲山光展畫

一作翠

屏最是蘆洲東

北望人家殘照隔煙汀

岳州衆湖阻風二首

衆湖湖口繫蘭船睡起中餐又却眠風伯如何解迴怒  
數宵檣倚碧蘆煙

偶繫扁舟枕綠莎旋移深處避驚波曉來閒共漁人語

此去巴陵路幾多

問春

遊絲垂幄雨依依  
枝上紅香片片飛  
把酒問春因底意  
為誰來後為誰歸

春答

花枝千萬趁春開  
三月珊瑚即自回  
剩向東園種桃李  
明年依舊為君來

西塞山二首

今謂之道士磯即興  
國軍大治縣所隸也

西塞名山立翠屏，濃嵐橫入半江青。  
千尋鐵鎖無由問，石壁空存道者形。

匹婦頑然莫問因，匹夫何去望千春。  
翻思屺岵傳詩什，舉世曾無化石人。

使風

風起即千里，風回翻問津。  
沈思宦遊者，何啻使風人。

石首山

荆江東南流至此山，即西北流下川澤之大首，有石因而為名也。

首出崔嵬占上游，迴存濃翠向荊州。  
空聞別有回山力，

却見長江曲尺流

金口步

在江北漢陽  
軍下必鐵也

兩山鬪咽喉羣石齧牙齒行客無限愁橫吞一江水

采桑女二首

渡水采桑歸蠶老催上機札札得盈尺輕素何人衣

採桑知蠶饑投梭惜夜遲誰誇羅綺叢新畫學月眉

渡溪

渡溪溪水急水濺羅衣濕日暮猶未歸盈盈水邊立

落葉

素律鑠欲脫青女妒復稀月冷天風吹葉葉乾紅飛

宿疎陂驛

秋染棠梨葉半紅荊州東望草平空誰知孤宦天涯意  
微雨蕭蕭古驛中

再經秭歸二首

總角曾隨上峽船尋思如夢可悽然夜來孤館重來宿  
枕底灘聲似舊年

秭歸城邑昔曾過舊識無人奈老何獨有淒清難改處  
月明聞唱竹枝歌

霞

拂拂生殘暉層層如裂緋天風剪成片疑作仙人衣

巫山公署壁有無名氏戲書二韻

施州路一  
百八盤

南陵直上路盤盤平地凌雲勢萬端堪笑巴民不厭足  
更嫌山少畫山看

道院

白日人稀到簾垂道院深雨苔生古壁雪雀聚寒林忘  
慮憑三樂消閒信五禽誰知是官府煙縷滿鑪沈

會噲岑山人

戊寅仲冬六日

渝州江上忽相逢說隱西山最上峰略坐移時又分別  
片雲孤鶴一枝筇

巴江

巴江江水色一帶濃藍碧仙女瑟瑟衣風梭晚來織

小園桃李始花偶以成詠

桃李栽成盡

一作置

格新數枝留得小園春半紅半白無

風雨隨分天容解笑人

公居

公居門館靜旅寄萬州城山共秋煙紫霜并夜月清無  
愁干酒律有句入詩評何必須林下方馳吏隱名

富池口

扁舟間引望望極更盤桓山密礙江曲雨多饒地寒短  
莎煙苒苒驚浪雪漫漫難寫愁何限鄉關在一端

夔州病中

隱几經旬疾未痊孤燈孤驛若為眠郡樓昨夜西風急  
一一更籌到枕前

題廳壁

永日無他念孤清吏隱心竹聲并雪碎溪色共煙深數  
息間凭几緣情默寄琴誰知同寂寞相與結知音

過武寧縣

九月十日

行過武寧縣初晴景物和畊回驚水急山淺見天多細

草濃藍潑輕煙足練拖晚來何處宿一笛起漁歌

路次覆盆驛

曾上青泥蜀道難架空成路入雲寒如何却向巴東去

三十六盤天外盤

萬池阻風寄同行撫牧乘駕

船檣相望荊江中岸蘆汀樹煙濛濛路間隄缺水如箭

未知何日生南風

無題二首

冰雪肌膚力不勝落花飛絮遶風亭不知何事鞦韆下  
蹙破愁眉兩點青

梨花如雪已相迷更被驚鳥半夜啼簾捲玉樓人寂寂  
一鉤新月未沈西

泊巴東

偶泊巴東古縣前宦情鄉思兩綿綿不堪蠟炬燒殘淚  
雨打船窗半夜天

道中未開木杏花

粉英香萼一般般無限行人立馬看村女浴蠶桑柘綠  
枉將顏色忍春寒

西山晚景

公局長清淡池亭晚景中蕉竿間倚碧蓮葉靜淹紅半  
引彎彎月微生颺颺風無思復無慮此味幾人同

自和

一片殘陽景朦朧淡月中蘭芽紅嫩紫梨頰抹生紅琴  
阮資清格冠簪養素風煙霄半知足一作已吏隱少相同

齒落詞

己卯至庚辰仲夏晦之暮吾齒右排上一齒脫而去呼  
吸缺吾防咀嚼欠吾助年籥惜不返日馭走為蠹胥亡  
得無寒舌在從何訴輔車宜長依髮膚可增懼不須考  
前古聊且為近喻有如雲中雨雨散絕回顧有如枝上  
葉葉脫難再附白髮非獨愁紅顏豈私駐何必鬱九回  
何必牽百慮開尊復開懷引筆作長句

淘金磧

畫船晚過淘金磧  
不見黃金惟見石  
猶恐黃金價未高  
見得錙銖幾多力

施南路偶書

俗謂太市嶺即音之訛近時歲再去紳歸寄家處

大石嶺頭梅欲發  
南陵陂上雪初飛  
苦無酒解愁成陣  
又附蘭橈向秭歸

大石嶺驛梅花

己卯十一月十三日

仙中姑射接瑤姬  
成陣清香擁路岐  
半出驛牆誰畫得  
雪英相倚兩三枝

贈愆師

水中有片月照耀嬋娟姿庭前有孤柏竦秀歲寒期堅然物莫遷寂焉心為師聲發響必答形存影即隨雪花安結子雪葉寧附枝蘭死不改香井寒豈生澌晨鑪煙裏裏病髮霜絲絲丈室冰凜冽一衲雲離披顧此名利場得不慙冠綏一作綏

遊仙都觀

冷杉枯柏路盤空毛髮生寒略略風雨漢真仙在何處

巡香行遼藥珠宮

誌峽船具詩

并序

峽山之船與下之船大抵觀浮葉而為之其狀一也執而為用者或殊狀而用一或狀同而名異皆有謂也下之船有檣有五兩有帆所以使風也尾有柂傍有棚上者以其山曲水急下有石皆不可用也狀直如艤前後各一者謂之梢船之斜正欹側為船之司命者梢類柂其狀殊而船之便於事

者悉不如梢作梢詩艤槳櫈櫂櫂拔使其進而無退  
利涉川澤為船之陳力者艤幾槳類其狀同而異  
名也在船有力悉不如艤作艤詩峽水湍峻激石  
怒發者謂之瀆泡洑而漩者謂之腦㟁石壁立瀆  
之忽作篙力難制以其木之堅勒竿直戟其首以  
竹納護之者謂之舷竹為縫而司其舷者謂之納  
為船之良輔者舷與篙狀殊而用一也在船獨出  
悉不如舷作舷詩崖石如齒非麻枲紉繩之為前

牽取竹之筋者破而用枲為勒以續之以備其牽  
者謂之百丈繫其船首者謂之陽紐牽之者擊鼓  
以號令之人聲灘亂無以相接所以節動止進退  
牽之防礙者謂之下緯濟其不通為船之先進者  
枲與竹狀殊而用一也在船先容悉不如百丈作  
百丈詩噫古人觀物因事為誌者甚多也予祇命  
憲局沿沂巴賓抵瞿塘耳目熟於長年三老輩矣  
船具之於船有力者作詩以稱之庶幾魯望茶經

者也。俾系其末詩云。

梢

制之居首。尾俾之辨斜正。首動尾聿隨斜。取正為定。有如提吏筆。有如執時柄。有如秉師律。有如宣命令。守彼方與直。得其剛且勁。既能濟險難。一作艱何畏涉遼夐。招

招俾作主。汎汎實司命。風烏愧斟酌。畫鷁空輝映。古人存豐規。猗歟聊引證。

觴

用之大曰艤冠乎小者楫通津既能濟巨浸即橫涉身  
之使者頰虎之掣者爪魚之撥者翫弩之進者筭此實  
為相須相須航一葉

咸

箭飛峽中水鋸立峽中石峽與水為隘水與石相擊潰  
為生險艱聲發甚霹靂三老航一葉百丈空千尺蒼黃  
徒爾為倏忽何可測篙之小難制咸之獨有力猗嗟咸  
之為彬彬堅且直有如用武人森森<sup>矗</sup>戈戟有如敢言

士落落吐胸臆拯危居坦夷濟險免兢惕誌彼哲匠心  
俾其來求一作者識

百丈

少嘗侍先君餘閒誦白氏始得入峽詩深味作詩旨云  
有萬仞山云有千丈水自念坎壈時尤多兢慎理山東  
峽如口水漱石如齒孤舟行其中薄冰猶坦履孱顏屹  
焉立洶湧勃然起百丈為前牽萬險即平砥破之以箕  
籥續之以麻枲礪之堅以節引之直如矢杼軸連平空

長短隨兩涘鐵鎖枉馳名錦繩謾稱美長繩豈能繫朽  
索何足擬苟非繪之為胡可力行此

### 早春西園

引步攜筇竹西園小徑通雪散梅帶綠春入杏梢紅靜  
意崖穿澑孤愁笛破空如何將此景收拾向圖中

### 金盤草詩

生寧江巫山  
南陵林木中

今春從南陵得草名金盤金盤有仁性生在林一端根  
節歲一節其根一年生一節人採而服可解毒也食之甘而酸風俗競採

掇俾人防急難巴中蛇虺毒解之如走丸巨葉展六出

軟幹分長竿搖搖綠玉活裏裏香荷寒世云暑酷月鬱

有神物看

夏中採之則必有巨蛇衝足人即難採

天之產於此意欲生民

安今之為政者何不反此觀知彼苛且猛慎勿虐而殘  
一物苟失所萬金惟可歎莫並蒿與萊豈羨芝及蘭勤  
渠護根本裁植當庭欄寄言好生者休說神仙丹

和程刑部三首

公會亭

公事公言地標名姓必臧江山如得助談笑若為防均  
賦鄉原肅祥刑郡邑康官歲居座右夙夜算難忘

碧蘚亭

颺颺籠清籟蕭蕭鑠翠陰向高思盡節從直美虛心迴  
砌滋蒼蘚幽窗伴素琴公餘時引步一徑靜中深

清連閣

照影翻窗綺層紋滉額波絲青迷柳岸葦綠蘸汀莎片  
雪一作雲一作翹饑野一作鶯孤香卷嫩荷憑欄堪入畫時聽竹

枝歌

自喻

予念天之生生本空疎器五歲稟慈訓憒悱讀書志七  
歲辨聲律勤苦會詩賦九歲執公卷倜儻千名意乞薦  
鄉老書幸會春官試折桂愧巍峩依蓮何氣味性拙絕  
不佞才短無餘地前年會知已薦章實非據寧見民說  
平空荷君恩寄瞿塘抵巴渝往來名攬轡孤舟一水中  
艱險實可畏羣操百丈牽臨難無苟避漬向江底發水

在石中沸槌鼓稱打寬繫紉呼下緯善惡胡可分死生  
何足諱騎衡與垂堂非不知前喻臨淵與履冰非不知  
深慮我今靡措紳善地誰人致城狐與社鼠巧佞誰從  
庇奴顏與婢膝醜直誰從媚妻兒夏限越容顏幾憔悴  
致身霄漢人咷戲盡賢智

巫山廟

廟前溪水流潺潺廟中修竹聲珊珊襄王一夢杳難問  
晚晴天氣歸雲間

下瞿塘寄時同年

春寒天氣下瞿塘大壞溪前柳線長須信孤雲似孤宦  
莫將鄉思附歸艎

和杜運使巴峽地暖節物與中土異黯然有感  
詩三首

隨柳參差破綠芽此中依約欲飛花春光是處傷離思  
何況歸期未有涯

始看菊蕊開籬下又見梅花寄嶺頭攬轡巴西官局冷

幾憑春酒沃鄉愁

花品桃黃冠洛陽已中春早羨孤芳不知別有栽培力  
流詠新詩與激昂

施南太守以猿兒為寄作詩答之

得之黔中  
生即頭白

虞人初獲酉江西長臂難將意馬齊今日未啼頭已白  
不堪深入白雲啼

巫廟

巴水走若箭峽山開如屏洶湧疎練白首翠濃藍青峴

空蕪雲雨灘惡驚雷霆神仙宅幽邃廟貌橫杳冥隱  
約可一夢縹渺餘千齡名利有所役舟楫無暫停悉卑  
垂肪蠻祠禱希安寧鴟鴞爾何物飛飛來廟庭紛紛颺  
寥泬遠近隨虛舲鐵石礪翁爪金碧輝光翎翔集託陰  
險鵠啄貪羶腥日既恃威福歲久為精靈依草與附木  
誣詭殊不經城狐與社鼠瑣細何足聽况乎人假人心闊  
吞滄溟

御定全唐詩卷七百六十五

欽定四庫全書  
唐詩卷一萬八千一百七十一

集部

御定全唐詩卷七百六十六

劉兼

劉兼長安人官崇州刺史詩一卷

胡震亨云雲間朱氏得宋刻唐百家詩兼

集中有長春節詩為宋太祖誕節其人蓋五代人而入宋者

貴遊

繡衣公子宴池塘淑景融融萬卉芳珠翠照人春未老  
管弦臨水日初長風飄柳線金成穗雨洗梨花玉有香

醉後不能離綺席擬憑青帝繫斜陽

夢歸故園

桐葉飛霜落井欄，菱花藏雪助衰顏。  
夜窗颯颯搖寒竹，秋枕迢迢夢故山。

一作  
葦

臨水釣舟橫，荻

柴關覺來依舊三更月，離緒鄉心起萬端。

舊館秋寒夜，夢長水簾疎。  
影入迴塘宦情率爾施魚，  
一作  
作

漁艇客恨依然在，燕梁白鷺獨飄。  
山面雪紅蕖全謝，鏡

心香起來不語無人會，醉倚東軒半夕陽。

蜀都春晚感懷

蜀都春色漸離披夢斷雲空事莫追宮闈一城荒作草  
王孫猶自醉如泥誰家玉笛吹殘照柳市金絲拂舊堤  
可惜錦江無錦濯海棠花下杜鵑啼

對雨

幽庭凝碧亦漣漪簷雷聲繁聒夢歸半岫金烏纔委照  
一川石燕又交飛濯枝霖霖榴花吐吹渚飄颻暑氣微  
因憶故園間釣處蒼苔斑駁滿漁磯

# 春霽

春霽江山似畫圖醉垂鞭袂出康衢猖狂亂打貔貅鼓

懶慢遲

一作藉  
憊慵

修鴛鷺書老色漸來欺鬢髮間情將欲

傲簪裾苦錢遍地知多少買得花枝不落無

# 秋夕書懷

荒僻淹留歲已深解龜無計恨難任守方半會蠻夷語  
賀廈全忘燕雀心夜靜倚樓悲月笛秋寒欹枕泣霜砧  
宦情總逐愁腸斷一筯鱸魚直萬金

直氣從來不入時掩關慵更釣磻溪斯文未喪宣尼歎  
吾道將窮阮籍悲輕粉覆霜凝夜砌亂金鋪菊織秋籬  
南陽臥久無人問薄命非才有可疑

春宵

春雲春日共朦朧滿院梨花半夜風宿酒未醒珠箔捲  
艷歌初闋玉樓空五湖茫茫才堪重六印蘇秦道不同  
再取素琴聊假寐南柯靈夢莫相通

秋夕書懷呈戎州郎中

素律初迴枕簟涼松風飄泊入華堂譚雞寂默紗窗靜  
夢蝶蕭條玉漏長歸去水雲多阻隔別來情緒足悲傷  
霜砧月笛休相引只有離襟淚兩行

風送秋荷滿鼻香竹聲敲玉近虛廊夢迴故國情方黯  
月過疎簾夜正涼菱鏡也知移艷態錦書其奈隔年光  
鸞膠處處難尋覓斷盡相思寸寸腸

晚樓寓懷

薄暮疎林宿鳥還倚樓垂袂復憑欄月沈江底珠輪靜

雲鎖峰頭玉葉寒  
劉毅暫貧雖壯志  
馮唐將老自低顏  
無言獨對秋風立  
擬把朝簪換釣竿

征婦怨

金闈寂寞罷妝臺  
玉筋闌干界粉腮  
花落掩關春欲暮  
月圓欹枕夢初迴  
鸞膠豈續愁腸斷  
龍劍難揮別緒開  
曾寄錦書無限意  
塞鴻飛去不歸來

對鏡

青鏡重磨照白鬚  
白鬚閒然意何如  
故園迢遞千山外

荒都淹留四載餘風送竹聲侵枕簟月移花影過庭除  
秋霜滿領難消釋莫讀離騷失意書

春燕

多時窗外語呢喃只要佳人捲繡簾大廈已成須慶賀  
萬門頻入莫憎嫌花間舞蝶和香趁江畔春泥帶雨銜  
栖息數年情已厚營巢爭肯傍他簷

春晚寓懷

一承兌澤蒞方州八度春光照郡樓好景樂將官吏醉

名山時領管弦遊空花任爾頻侵眼老雪從他漸滿頭  
歸去杜陵池閣在只能歡笑不能愁

中春宴遊

二月春光似洞天紅英翠萼簇芳筵楚王雲雨迷巫峽  
江令文章媚蜀牋歌黛入顰春袖一作岫歛舞衣新繡曉  
霞鮮酒闌香袂初分散笑指漁翁釣暮煙

春晚閒望

東風滿地是梨花只把琴心帶酒家立處晚樓橫短笛

望中春草接平沙雁行斷續晴天遠燕翼參差翠幕斜  
歸計未成頭欲白釣舟煙浪思無涯

秋夕書事

搖落江天萬木空雁行斜夏塞垣風征閨擣月離愁遠  
舊館眠雲旅夢通郢客豈能陪下里皋禽爭肯戀樊籠  
此心曠蕩誰相會盡在南華十卷中

蓮塘霽望

新秋菡萏發紅英向晚風飄滿郡馨萬疊水紋羅乍展

一雙鸚鵡繡初成採蓮女散吳歌闋拾翠人歸楚雨晴  
遠岸牧童吹短笛蓼花深處信牛行

送從弟舍人入蜀

嘉陵江畔餞行車離袂難分十里餘慷慨莫誇心似鐵  
留連不覺淚成珠風光川谷梅將發音信雲天雁未疎  
立馬舉鞭無限意會稀別遠擬何如

新迴車院筵上作

迴車院子未迴車三載疲民詠袴襦借寇已成英主詔

乞骸須上老臣書  
黃金蜀柳籠朱戶  
碧玉湘筠映綺疏  
因問滿筵詩酒客  
錦江何處有鱸魚

寄長安鄭員外

屈指良交十四人  
隙駒風燭漸為塵  
當初花下三秦客  
只有天涯二老身  
乘醉幾同遊  
北內尋芳多共謁  
東鄰此時阻隔  
閻山遠  
月滿江樓淚滿巾

咸陽懷古

高秋咸鎬起霜風  
秦漢荒陵樹葉紅  
七國鬪雞方賣勇

中原逐鹿更爭雄  
南山漠漠雲常在  
渭水悠悠事旋空  
立馬舉鞭遙望處  
阿房遺址夕陽東

春怨

繡林紅㟁落花鋗  
故去新來感自然  
絕塞杪春悲漢月  
長林深夜泣湘弦  
錦書雁斷應難寄  
菱鏡鸞孤貌可憐  
獨倚畫屏人不會  
夢魂纔別戍樓邊

登樓寓望

憑高多是偶沈闌  
紅葉何堪照病顏  
萬疊雲山供遠恨

一軒風物送秋寒。背琴鶴客歸。松徑橫笛牛童臥蓼灘。  
獨倚郡樓無限意。夕陽西去。一作邇水東還。

江岸獨步

醉卓寒筇傍水行。漁翁不會獨吟情。龜能顧印誰相重。  
鶴偶乘軒自可輕。簪組百年終長物。文章千古亦虛名。  
是非得喪皆閒事。休向南柯與夢爭。

江樓望鄉寄內

獨上江樓望故鄉。淚襟霜笛共淒涼。雲生龍首秋雖早。

月在天心夜已長魂夢只能隨蝶煙波無計學鴛鴦

蜀箋都有三千幅總寫離情寄孟光

命妓不至

琴中難挑孰憐才獨對良宵酒數杯蘇子黑貂將已盡

一作  
故宋弘青鳥又空回月穿淨牖霜成隙風捲殘花錦

作堆欹枕夢魂何處去醉和春色入天台

宣賜錦袍設上贈諸郡客

十月芙蓉花滿枝天庭驛騎賜寒衣將同玉蝶侵肌冷

也遣金鵬遍體飛夜臥始知多忝竊畫行方覺轉光輝  
深冬若得朝丹闕太華峰前衣錦歸

晨雞

朱冠金距綵毛身昧爽高聲已報晨作瑞莫慚先貢楚  
擅場須信獨推秦淮南也伴升仙犬函谷曾容借曉人  
此日卑棲隨飲啄宰君驅我亦相馴

芳春

微雨微風隔畫簾金爐檀炷冷慵添桃花滿地春牢落

柳絮成堆雪棄嫌寶瑟不能邊卓氏綵毫何必夢江淹  
宦情歸興休相撓隼旆漁舟總未厭

春遊

柳成金穗草如茵載酒尋花共賞春先入醉鄉君莫問  
十年風景在三秦

搖搖離緒不能持滿郡花開酒熟時羞聽黃鸝求善友  
強隨綠柳展愁眉隔雲故國山千疊傍水芳林錦萬枝  
聖主未容歸北闕且將勤儉撫南夷

重陽感懷

重陽不忍上高樓寒菊年年照暮秋萬疊故山雲總隔  
兩行鄉淚血和流黃茅莽莽連邊郡紅葉紛紛落釣舟  
歸計未成年漸老茱萸羞戴雪霜頭

載花乘酒上高山四望秋空八極寬蜀國江山存不得  
劉家豚犬取何難張儀舊壁蒼苔厚葛亮荒祠古木寒  
獨對斜陽更惆悵錦江東注似波瀾

宴遊池館

綺筵金碧照芳菲酒滿瑤卮水滿池去歲南岐離郡日  
今春東蜀看花時儉蓮發臉當籌著緒柳生腰按柘枝  
座客半酣言笑狎孔融懷抱正怡怡

寄高書記

齊朝慶喬祖教曹麟角無雙鳳九毛聲價五侯爭辟命  
文章一代振風騷醉琴自寄陶家意夢枕誰聽益郡刀  
補袞應星曾奏舉北山南海孰為高

再見從弟舍人

屈指依稀十五年  
鸞臺秘閣位相懸  
分飛淮甸雁行斷  
重見江樓蟾影圓  
滯跡未偕朝北闕  
高才方命入西川  
願君通理還須早  
拜慶慈親几杖前

春晝醉眠

朱欄芳草綠纖纖  
欹枕高堂捲畫簾  
處處落花春寂寂  
時時中酒病懨懨  
塞鴻信斷雖堪訶  
梁燕詞多且莫嫌  
自有卷書銷永日  
霜華未用鬢邊添

中夏晝臥

寂寂無聊九夏中傍簷依壁待清風壯圖奇策無人問

不及南陽一臥龍

春夕寓興

忘憂何必在庭萱是事悠悠竟可寬酒病未能辭錦里  
春狂又擬入桃源風吹楊柳絲千縷月照梨花雪萬團  
間泥金徽度芳夕幽泉石上自潺湲

春夜

薄薄春雲籠皓月杏花滿地堆香雪醉垂羅袂倚朱欄

小數玉仙歌未闋

訪飲妓不遇招酒徒不至

小橋流水接平沙何處行雲不在家畢卓未來輕竹葉  
劉晨重到帶桃花琴樽冷落春將盡幃幌蕭條日又斜  
回首却尋芳草路金鞍拂柳思無涯

春宴河亭

柳罷輕絲拂嫩黃檻前流水滿池塘一筵金翠臨芳岸  
四面烟花出粉牆舞袖逐風翻繡浪歌塵隨燕下雕梁

蠻箋象管休凝思且放春心入醉鄉

蜀郡道中

劍閣雲棧亂崢嶸得喪何由險與平千載龜城終失守  
一堆鬼錄漫留名季年必不延昏主薄賞那堪激懦兵  
李特後來多二世納降歸擬盡公卿

萬葛樹

第六句  
缺一字

葉如羽蓋豈堪論百步清陰鎖綠雲善政已聞思召伯  
英風偏稱號將軍靜鋪講席麟經潤高拂枝兔影分

更有歲寒霜雪操莫將樗櫟擬相羣

春夕遣懷

窮通分定莫淒涼且放歡情入醉鄉  
范蠡扁舟終去相馮唐半世只為郎  
風飄玉笛梅初落酒汎金樽月未央  
休把虛名撓懷抱九原丘隴盡侯王

西齋

西齋新竹兩三莖也有風敲碎玉聲莫恨移來欄檻遠  
譬如元本此間生

新蟬

齊女屏幃失舊容侍中冠冕有芳蹤翅翻晚鬢尋香路  
聲引秋絲逐遠風旅館聽時颺欲白戍樓聞處葉多紅  
只知送恨添愁事誰見凌霄羽蛻功

寄滑州文秀大師

分飛屈指十三年菡萏峰前別社蓮薄宦偶然來左蜀  
孤雲何事在南燕一封瑤簡音初達兩處金沙色共圓  
珍重湯休惠佳句郡齋吟久不成眠

中春登樓

金杯不以滌愁腸江郡芳時憶故鄉兩岸煙花春富貴  
一樓風月夜淒涼玉章莫恥牛衣淚潘岳休驚鶴鬢霜  
歸去蓮花歸未得白雲深處有茅堂

古今通塞莫咨嗟漫把霜髯敵歲華失手已慚蛇有足  
用心休為鼠無牙九天雲淨方憐月一夜風高便厭花  
獨倚郡樓人不會釣舟春浪接平沙

自遣

未上亨衢獨醉吟賦成無處博黃金家人莫問張儀舌  
國士須知豫讓心照乘始堪沽善價陽春爭忍混凡音  
鵠鵬鱗翼途程在九萬風雲海浪深

偶有下殤因而自遣

彭壽殞齡共兩空幻泡緣影夢魂中缺圓宿會長如月  
飄忽浮生疾似風修短百年先後定賢愚千古是非同  
南柯太守知人意休問陶陶塞上翁

倦學

此首用韻錯訛

樂廣亡來冰鏡稀  
宓妃嫫母混妍媸  
且於霧裏藏玄豹  
休向窗中問碧雞  
百氏典墳空自苦  
一堆蠢雪竟誰知  
門前春色芳如畫  
好掩書齋任所之

去年今日

去年今日到榮州  
五騎紅塵入郡樓  
貌虎只知迎太守  
蠻夷不信是儒流  
姦豪已息時將泰  
疲瘵全蘇歲又周  
聖主若容辭重祿  
便歸煙水狎羣鷗

書寢

花落青苔錦數重  
書淫不覺避春慵  
恐情枕上飛莊蝶  
任爾雲間騁陸龍  
玉液未能消氣魄  
牙籤方可涤昏蒙  
起來已被詩魔引  
窗外寒敲翠竹風

郡齋寫興

依約樊川似旭川  
郡齋風物盡蕭然  
秋庭碧蘚鋪雲錦  
晚閣紅渠簇水仙  
醉筆語狂揮粉壁歌  
梁塵亂拂花鈿  
情懷放蕩無羈束  
地角天涯亦信緣

郡樓閒望書懷

郡城樓閣繞江濱風物清秋入望頻銅鼓祭龍雲塞廟  
蘆花飄市雪粘人蓮披淨沼羣香散鶯點寒煙玉片新  
歸去杜陵池館在且將朝服拂埃塵

玉燭花

嫋嫋香英三四枝亭亭紅艷照階墀正當晚檻初開處  
却似春闌就試時少女不吹方熠爚東君偏惜未離披  
夜深斜倚朱欄外擬把鄰光借與誰

從弟舍人惠茶

曾求芳茗貢薰詞果沐頌霑味甚奇龜背起紋輕灸處  
雲頭翻液乍烹時老丞倦悶偏宜矣舊客過從別有之  
珍重宗親相寄惠水亭山閣自攜持

再看光福寺牡丹

去年曾看牡丹花蛱蝶迎人傍彩霞今日再遊光福寺  
春風吹我入仙家當筵芬馥歌唇動倚檻嬌羞醉眼斜  
來歲未朝金闕去依前和露載歸衙

海棠花

淡淡微紅色不深依依偏得似春心煙籠虢國顰歌薰  
露重長門歛淚襟低傍繡簾人易折密藏香藥蝶難尋  
良宵更多情處月下芬芳伴醉吟

新竹

近窗卧砌兩三叢佐靜添幽別有功影鏤碎金初透月  
聲敲寒玉似搖風無憑費叟煙波碧莫信湘妃淚點紅  
自是子猷偏愛爾虛心高節雪霜中

木芙蓉

素靈失律詐風流強把芳菲半載偷是葉歲蕤霜照夜  
此花爛熳火燒秋謝蓮色淡爭堪種陶菊香穠亦合羞  
誰道金風能肅物因何厚薄不相伴

送二郎君歸長安

我兒辭去淚雙流蜀郡秦川兩處愁紅葉滿山歸故國  
黃茅徧地住他州荷衣曉挂慙官吏菱鏡秋窺訝鬢鬆  
好向雲泉營舊隱莫教莊叟畏犧牛

送文英大師

屈指平陽別社蓮蟾光一百度曾圓孤雲自在知何處  
薄宦參差亦信緣山郡披風方穆若花時分袂更淒然  
搖鞭相送嘉陵岸回首羣峰隔翠煙

酬勾評事

間庭欹枕正悲秋忽覺新編浣遠愁才薄只愁安雁戶  
夷人內有雁戶蓋徙移不定之故也年高空憶復漁舟鶩翹皓雪臨汀岸  
蓮娟紅香匝郡樓對景却慙無藻思南金荆玉卒難酬

初至郡界

嘉陵江畔接榮川兩畔旌旗下瀨船郡印已分炎瘴地  
朝衣猶惹御爐煙蓮塘小飲香隨艇月榭高吟水壓天  
錦字莫嫌歸路遠華夷一統太平年

到郡後有寄

一作到郡後寄西川從弟舍人右司閻郎中齊殿院

蜀路新修盡坦平交親深幸再逢迎正當返袂思鄉國  
却似歸家見弟兄露沾澤只慙堯綺重沂流還喜范舟輕  
欲將感戀裁書旨多少魚箋寫得成

長春節

聖朝佳節遇長春跪捧金爐祝又焚寶藏發來天地秀  
兵戈銷後帝皇尊太平基址千年永混一車書萬古存  
更有馨香滿芳檻和風遲日在蘭蓀

登郡樓書事

偶奉綸書蒞旭川郡樓嘉致盡依然松欹鳥道雲藏寺  
月滿漁舟水浸天望帝古祠花簇簇錦城歸路草芊芊  
有時倚檻垂雙袂故國風光似眼前

旭川祁宰思家而卒因述意呈秦川知己

歲稔民康絕訟論政成公暇自由身朝看五馬閒如社  
夜擁雙姬暖似春家計不憂憑家子官資無愧是朝臣  
豈同齷齪祁員外至死悲涼一婦人

登郡樓書懷

煙雨樓臺漸晦冥  
錦江澄碧浪花平  
十和未雪荆山恥  
莊舄空傷越國情  
天際寂寥無雁下  
雲端依約有僧行  
登高欲繼離騷詠  
魂斷愁深寫不成

邊郡荒涼悲且歌  
故園迢遞隔煙波  
琴聲背俗終如是

劍氣衝星又若何朝客漸通書信少釣舟頻引夢魂多  
北山更有移文者白首無塵歸去麼

莫嗔阮氏哭途窮萬代深沈恨亦同瑞玉豈知將抵鵠  
鉛刀何事却屠龍九夷欲適嗟吾道五柳終歸效古風  
獨倚郡樓無限意滿江煙雨正冥濛

偶聞官吏舉請輒有一篇寄從弟舍人

官吏潛陳借寇詞宦情鄉夢兩相違青城錦水無心住  
紫閣蓮峰有意歸張翰鱸魚因醉憶孟光書信近春稀

黃茅瘴色看看起貪者猶疑別是機

誠是非

巧舌如簧總莫聽是非多是愛憎生三人告母雖投杼  
百犬聞風只吠聲辨玉且寬和氏罪誣金須認不疑情  
因思疇昔遊談者六國交馳亦受烹

簡豎儒

蹄涔豈信有滄浪螢火何堪並太陽淵奧未曾探禹穴  
矜誇便擬越丘墻小巫神氣終須怯下里音聲必不長

近日冰壺多晦昧虎皮羊質也觀光

貽諸學童

橫經义手步還趨積善方知慶有餘五箇小雖離學院  
一行新雁入貧居攘羊告罪言何直舐犢牽情理豈虛  
勸汝立身須苦志月中丹桂自扶疎

御定全唐詩卷七百六十六

謹案卷七百六十五第二頁後七行澤之大首有  
石刊本石訛此據別本改

卷七百六十六第七頁前五行長林深夜泣湘絃  
刊本湘訛繩據別本改



總校官庶吉士臣張能照

校對官庶吉士臣

翟槐

李惠滋

謄錄監生

臣

李惠滋



欽定四庫全書會要

集部

御定全唐詩卷七百六十七至七十一

詳校官原任事  
臣李斯咏



欽定四庫全書

卷一百七十二  
集部

御定全唐詩卷七百六十七

孫元晏

晏不知何許人曾著詠史詩七十五首今編為一

吳

黃金車

分擘山河即漸開許昌基業已傾頽黃金車與斑駕耳

早個須知入識來

赤壁

會獵書來舉國驚祇應周魯不教迎曹公一戰奔波後  
赤壁功傳萬古名

魯肅指囷

破產移家事亦難佐吳從此霸江山爭教不立功勲得  
指出千囷如等閒

甘寧研營

夜深偷入魏軍營  
滿寨驚忙火似星  
百口寶刀千匹絹  
也應消得與甘寧

徐盛

欲把江山鴟足分  
邢真銜冊到江南  
當時將相誰堪重  
徐盛將軍最不甘

魯肅

研案興言斷衆疑  
鼎分從此定雄雌  
若無子敬心相似  
爭得烏林破魏師

武昌

西塞山高截九垓識謠終日自相催  
武昌魚美應難戀  
厯數須歸建業來

顧雍

贊國經綸更有誰  
蔡公相歎亦相師  
貴為丞相封侯了  
歸後家人總不知

呂蒙

幼小家貧實可哀  
願征行去志難回  
不探虎穴求身達

爭得人間富貴來

介象

好道君王遇亦難  
變通靈異幾多般  
介先生有神仙術  
釣得鱸魚在玉盤

濡須塢

風揭洪濤響若雷  
枕波為壘險相隈  
莫言有個濡須塢  
幾度曹公失志回

周泰

名與諸公又不同金瘡痕在滿身中不將御蓋宣恩澤  
誰信將軍別有功

張紘

東部張公與衆殊共施經畧贊全吳陳琳漫自稱雄伯  
神氣應須怯大巫

太史慈

聖德招賢遠近知曹公心計却成欺陳韓昔日嘗投楚  
豈是當歸召得伊

孫堅后

委付張公翊聖材幾將賢德贊文臺爭教不霸江山得  
日月徵曾入夢來

陸統

將軍身歿有兒孤虎子為名教讀書更向宮中教騎馬  
感君恩重合何如

青蓋

歷數將終勢已摧不修君德更堪哀被他青蓋言相誤

元是須教入晉來

晉

七寶鞭

天命須知豈偶然亂臣徒欲用兵權聖謨廟畧還應別  
渾不消他七寶鞭

庾悅鵝炙

春暖江南景氣新子鵝炙美就中珍庾家厨盛劉公困  
渾弗相貽也惱人

謝玄

百萬兵來逼合肥  
謝玄為將統雄師  
旌旗首尾千餘里  
渾不消他一局棋

謝混

尚主當初偶未成  
此時誰合更關情  
可憐謝混風華在  
千古翻傳禁鬢名

陸玩

陸公高論亦由衷  
謙讓還慙未有功  
天下忠良人欲盡  
欲盡

始應文我作三公

王坦之

晉祚安危只此行  
坦之何必苦憂驚  
謝公合定寰區在  
爭遣當時事得成

蒲葵扇

拋捨東南歲月遙  
幾施經畧挫雄豪  
若非名德喧寰宇  
爭得蒲葵價數高

王郎

太尉門庭亦甚高  
王郎名重禮相饒  
自家妻父猶如此  
誰更逢君得折腰

劉毅

遶牀堪壯喝盧聲似鐵容儀衆盡驚二十七人同舉義  
幾人全得舊功名

王恭

春風濯濯柳容儀鶴氅神情舉世推可惜教君仗旄鉞  
枉將心地託牢之

謝公賭墅

發遣將軍欲去時畧無情撓只貪暴自從乞與羊曇後  
賭墅功成更有誰

苻堅投筆

投筆填江語未終謝安乘此立殊功三台星爛乾坤在  
且與張華死不同

衛玠

叔寶羊車海內稀山家女婿好風姿江東士女無端甚

看殺玉人渾不知

郭璞脫襦

吟坐因思郭景純  
每言窮達似通神  
到頭分命難移改  
解脫青襦與別人

庾樓

江州樓上月明中  
從事同登眺遠空  
玉樹忽蘊千載後  
有誰從此繼清風

新亭

容易乘虛逼帝畿。滿江艤艦與旌旗。盧循若解新亭上。  
勝負還應未可知。

宋

大峴

大峴纔過喜可知。指空言已副心期。公孫計策嗟無用。  
天與南朝作霸基。

放宮人

納諫廷臣免犯顏。自然恩可霸江山。姚興侍女方承寵。

放出宮闈若等閒

借南苑

人主詞應不偶然  
幾人曾說笑  
掀天不知南苑今何在  
借與張公三百年

謝澹雲霞友

仗氣凌人豈可親  
只將范泰是知聞  
緣何喚作雲霞友  
却恐雲霞未似君

烏衣巷

古迹荒基好嘆嗟  
滿川吟景只煙霞  
烏衣巷在何人住  
回首令人憶謝家

袁粲

負才尚氣滿朝知  
高卧閒吟見客稀  
獨步何人識袁尹  
白楊郊外醉方歸

劉伯龍

位重何如不厭貧  
伯龍孤子只修身  
固知生計還須有  
窮鬼臨時也笑人

王方平

拂衣耕釣已多時  
江上山前樂可知  
著却貂裘將採藥  
任他人喚作漁師

黃羅襦

戚屬羣臣盡見猜  
預憂身後又堪哀  
到頭委付何曾是  
虛把羅襦與彥回

謝朏

謝家諸子盡蘭香  
各震芳名滿帝鄉  
惟有千金更堪重

只將高臥向齊王

羊玄保

運命將來各有期  
好官才闕即思之  
就中堪愛羊玄保  
偏愛君王分外知

齊

謝朏

解璽傳呼詔侍中却來高臥豈疎慵此時忠節還希有

堪羨君王特地容

小兒執燭

謝公情量已難量忠宋心誠豈暫忘執燭小兒渾放去  
略無言語與君王

王僧祐

肯與公卿作等倫澹然名德只推君任他車騎來相訪  
簫鼓盈庭似不聞

王僧虔

位高名重不堪疑懼讓儀同帝亦知不學常流爭進取

却憂門有二台司

明帝裹蒸

至尊尊貴異人間御膳天厨豈等閒惜得裹蒸無用處  
不如安霸取江山

鬱林王

強哀強慘亦從伊歸到私庭喜可知喜字漫書三十六  
到頭能得幾多時

何氏小山

顯達何曾肯繫心  
菜居郊外好園林  
賺他謝朏出山去  
贏得高名直至今

王倫之

豫章太守重詞林  
圖畫陳蕃與華歆  
更奠子將并孺子  
為君千載作知音

潘妃

曾步金蓮寵絕倫  
豈甘今日委埃塵  
玉兒還有懷恩處  
不肯將身嫁小臣

王亮

後見梁王未免哀奈何無計拯傾頽若教彼相顛扶得  
爭遣明公到此來

梁

分宮女

滌蕩齊宮法令新分張宮女二千人可憐無限如花貌  
重見世間桃李春

馬仙碑

齊朝太守不甘降忠節當時動四方義士要教天下見  
且留君住待袁昂

勅敵

傳聞天子重儒才特為皇華綺宴開今日方驚遇勅敵  
此人元自北朝來

蔡撙

紫茄白覓以為珍守任清真轉更貧不必吳興郡中水  
古今能有幾多人

楚祠

曾與蕭何醉玉桮  
此時神影盡傾頽  
莫云千古無靈聖  
也向西川助敵來

謝朏小輿

小輿升殿掌鈞台  
不免無憫却憶回應恨被他何屑誤  
悔先容易出山來

八關齋

依憑金地甚虔誠忍溺空王為聖明內殿設齋申禱祝

豈無功德及臺城

庾信

苦心詞賦向誰談  
淪落周朝志豈甘  
可惜多才庾開府  
一生惆悵憶江南

陳

王僧辨

彼此英雄各有名  
石頭高卧擬爭衡  
當時堪笑王僧辨  
待欲將心託聖明

武帝蚌盤

金翠絲黃略不舒蚌盤清宴意何如豈知三閣繁華日  
解為君王妙破除

虞居士

苦諫將軍總不知幾隨煙焰作塵飛東山居士何人識  
惟有君王却許歸

姚察

曾佐徐陵向北遊剖陳疑事動名流却歸掌選清何甚

一匹花練不肯收

宣帝傷將卒

前後兵車戰勝回  
百餘城壘盡歸來  
當時將卒應知感  
況得君王為舉哀

臨春閣

臨春高閣上侵雲  
風起香飄數里聞  
自是君王正沈醉  
豈知消息報隋軍

綺閣

結綺高宜眺海涯上凌丹漢拂雲霞一千朱翠同居此  
爭奈恩多屬麗華

望儂閣

多少沈檀結築成望仙為號倚青冥不知孔氏何形狀  
醉得君王不解醒

三閣

三閣相通綺宴開數千朱翠遶周回只知斷送君王醉  
不道韓擒已到来

狎客

入宮妃盡賦篇章風揭歌聲錦繡香選得十人為狎客  
有誰能解諫君王

淮水

文物衣冠盡入秦六朝繁盛忽埃塵自從淮水乾枯後  
不見王家更有人

江令宅

不向南朝立諫名舊居基在事分明令人惆悵江中令

只作篇章過一生

後庭舞

嬾婉回風態若飛麗華翹袖玉為姿後庭一曲從教舞  
舞破江山君未知

御定全唐詩卷七百六十七